



Inatsisartuni ilaasortaq
Jens-Frederik Nielsen

§ 37 naapertorlugu puukunik utertitsisarneq pillugu apeqquteqaammut nr. 121-2022-mut akissut

Asasara Jens-Frederik Nielsen

Inatsisartut Suleriaasianni § 37, imm. 1 naapertorlugu puukunik utertitsisarneq pillugu Naalakkersuisunut apeqquteqaateqarputit. Apeqqutitit uannit akisassanngorlugit innersuunneqarput.

Akissuteqarnissamut atugassatut Nunanut Allanut, Inuussutissarsiornermut Niuernermullu Naalakkersuisoqarfik aamma Aningaasaqarnermut Naligiissitaanermullu Naalakkersuisoqarfik oqaaseqaateqartinneqarput.

1. Qillertuusanik, plastikkinik aammalu gas-mik puiaasalinnik killilersornertaqanngitsumik puiaasanik utertitsisarnermut aaqqissuussamik atuutilersitsisoqartuuppat, taamaasillunilu tunisassiortunut puiaasanik killilersornertaqanngitsumik tunisassiulersinaanissaanut pisortanut aningaasatigut allaffissornikkullu qanoq kinguneqassagaluarpa?

Akissut: Naalakkersuisut tungaanniit puukunik utertitsisarnerup aaqqissuuteqqinnissaa, taamaalillunilu immiaaqqanik sodavandinillu assigiinngitsunik, ullumikkornit amerlanerusunik tuniniaasoqarsinnaalernissaa kissaatigineqarpoq. 2021-mi puukunik ataasiaannarluni atorpeqartunik utertitsisarnermik nutaamik atuutsitsilernissamut misissueqqissaarnermik aallartitsisoqarpoq. ESANI A/S misissueqqissaarnermik, Avatangiisinut Aningaasaateqarfik aqqutigalugu aningaasalersorneqartumik suliaqartuuvoq. Misissueqqissaarneq nuna tamakkerlugu puukunik utertitsisarnermik nutaamik atuutsitsilernissamut pilersaarummik kinguneqartussaavoq. Aamma misissueqqissaarneq utertitsisarnerup nutaap atuutilernerata pisortanut, inuussutissarsiutinik ingerlataqartunut namminersortunut innuttaasunullu aningaasaqarnikkut aqutsinikullu kingunerisassaanik naliliinissamut tapertarinqartussaavoq. Misissueqqissaarnerup ukioq manna naammassinissaa naatsorsuutigineqarpoq.

2. Qillertuusanik, plastikkinik aammalu gas-mik puiaasalinnik killilersornertaqanngitsumik puiaasanik utertitsisarnermut aaqqissuussamik atuutilersitsisoqartuuppat, taamaasillunilu tunisassiortunut puiaasanik killilersornertaqanngitsumik

Brevdato: 23-06-2022
Sagsnr.: 2022 - 12805
Akt-id: 20418677

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

tunisassiuersinaanissaanut namminersorlutik ingerlatsisunut aningaasatigut allaffissornikkullu qanoq kinguneqassagaluarpa?

Akissut: Apeqqut 1-imut akissut takuuk.

3. Qillertuusanik, plastikkinik aammalu gas-mik puiaasalinnik killilersornertaqanngitsumik puiaasanik utertitsisarnermut aaqqissuussamik atuutilersitsisoqartuuppat, taamaasillunilu tunisassiortunut puiaasanik killilersornertaqanngitsumik tunisassiuersinaanissaanut innuttaasunut aningaasatigut allaffissornikkullu qanoq kinguneqassagaluarpa?

Akissut: Apeqqut 1-imut akissut takuuk.

4. Copenhagen Economics puiaasanut killilersuinertaqanngitsumik aaqqiisoqassagaluarpat Kalaallinut atuisuinut immiaaqqat sodavandinullu akikinnerulersinnaanerit Naalakkersuisuniit isumaqatigineqarnerluni? Akissut tunngavilersorneqarnissaa kissaatigineqarpoq.

Nalunaarusiami 'Kalaallit Nunaanni unammilleqatigiinneq puukunillu utertitsisarneq'-mi, Copenhagen Economics-ip suliaani 2012-imeersumi tikkuarneqarpoq, utertitsisarnermik pisariillisaaneq, immiaaqqat sodavandinillu qinigassat amerlanerulersitsisussaqaq Kalaallit Nunaata kitaani atuisunut iluaqutissanik nassataqartussaasoq. Utertitsisarnermik pisariillisaaneq atuisunut immiaaqqanik sodavandinillu akikinnerulersitsisinnaasoq Naalakkersuisut isumaqataapput. Nalunaarusiaq 2012-imili saqqummersinneqarmat nalunaarusianik arlalinnik, nunatsinni utertitsisarnerup nutaap atuutsinneqalernissaanut periarfissanik misissuiffiusunik suliaqartoqartarsimavoq. Maannarpiqaq ESANI A/S suleqatigalugu puukunik utertitsisarnermik nutaamik atulersitsisinnaanissaq pillugu misissuqqissaarnermik, ingerlatsisoqarpoq (tak. apeqqut 1-imut akissut). Puukunik utertitsisarnermik nutaamik toqqaanermi aningaasaqarnikkut avatangiisillu eqqarsaatigalugit piujuartitsiviusumik toqqaanissaq pingaartinneqarpoq.

5. Naalakkersuisut sammisamut allanik paasissutissiisinnaanerluni?

Naalakkersuisut puukunik utertitsisarnermik aaqqissuusseqqinnissaq, taamaalillunilu immiaaqqanik sodavandinillu assigiinngitsunik, ullumikkornit amerlanerusunik tuniniaasoqarsinnaalernissaa anguniarneqarpoq.

Inussiarnersumik inuulluaqqusillunga


Kalistat Lund